



შირაკი

SHIRAKI

გამოცემის 1937 წლიდან
დადოვლისწყაროს პენიშიაპლიტაჟის გაზეთი

№3 (10.158)

15-22 თებერვალი 2025 წელი

ჟასი: 60 თეთრი

ყოველკვირეული გამოცემა

სოფლის მხარდაჭერის პროგრამა გრძელდება

სოფლის მხარდაჭერის პროგრამის ფარგლებში 2025 წელს განსახორციელებელი პროექტების გამოვლენის მიზნით დედოფლისწყაროს მუნიციპალიტეტის ადმინისტრაციულ ერთეულებში მოსახლეობასთან შეხვედრები დაიწყო. საერთო კრებები 7 თებერვალს ზემო ქედში, არხილოსკალისა და ქვემო ქედში ჩატარდა, სადაც მოსახლეობას კახეთის მხარეში სახელმწიფო რწმუნებული გიორგი ალადაშვილი, დედოფლისწყაროს მუნიციპალიტეტის მერი ნიკოლოზ ჯანიაშვილი, საკრებულოს თავმჯდომარე ნუგზარ პაპიაშვილი და მერის მოადგილე მალხაზ მერაბიშვილი შეხვედნენ.

ნიკოლოზ ჯანიაშვილი: „ამჯერად 256 000 ლარი გამოეყო დედოფლისწყაროს სოფლის მხარდაჭერის პროგრამისთვის. ჩვენს ბიუჯეტს საშუალება აქვს, რომ მინიმუმ ამდენი კიდევ დაამატოს საკუთარი ბიუჯეტიდან და ნახევარი მილიონ ლარზე მეტი განაწილდეს სოფლებზე. გააჩნია, კრებების დასრულების შემდეგ რა პრიორიტეტები შეირჩევა. თუ ისეთ საკითხებს დაასახელებს მოსახლეობა, რომელიც საჭირო და აუცილებელია, მზად ვართ 100% კი არა 120% და კიდევ უფრო მეტიც დავამატოთ. სავარაუდოდ, 600 000 ლარის ოდენობაზეა საუბარი. კიდევ ერთხელ ეძლევა თვითმმართველობას შესაძლებლობა, რომ ამომრჩეველთან და სოფლის მოსახლეობასთან ერთად ვიმსჯელოთ პრობლემებზე და გადაწყვიტოთ, რა სამუშაოები ჩატარდეს ამა თუ იმ სოფელში, რომ მათი ყოველდღიური გაუმჯობესდეს. მიხარია, რომ გასულ წლებში კარგი პროექტების განხორციელება შევძელით და შედეგად უფრო გაძლიერებული სოფელი მივიღეთ. წინა წლების პრაქტიკა გვიჩვენებს, რომ ზოგ სოფელში ბავშვთა გასართობი სივრცეების მოწყობას ითხოვენ, ზოგან საბავშვო ბაღების ეზოების რეაბილიტაციას, ზოგან გარე განათების, ან სასაფლაოების მესერის მოწყობას. ამჟამად დედოფლისწყაროს მასშტაბით აბსოლუტურად ყველა სოფელში და ყველა უბანში გვაქვს გარე განათება. თუმცა, ზოგან მოძველებულია და მათი განახლება ხდება ლედ ტიპის თანამედროვე სანათებით. გასულ წელს საქართველოს მასშტაბით პრაქტიკულად პირველმა დავასრულეთ სოფლის პროგრამის სამუშაოები. გვინდა, რომ ახლაც მალე მოვრჩეთ, დროულად ვაქციოთ



არხილოსკალი



ზემო ქედი

პროექტებად და შევუდგეთ სამუშაოებს. დარწმუნებული ვარ სექტემბერში უკვე დავასრულებთ ყველა სამუშაოს. 15 დასახლებული პუნქტია დედოფლისწყაროში და ეს არცთუ ისე მცირე თანხაა საიმისოდ, რომ მნიშვნელოვანი საქმეების კეთება შევძლოთ“.

„მირაქმა“

ამის აღმოფხვრა მოითხოვეს. თუმცა, სოფლის პროგრამით ეს საკითხი ვერ გადაიჭრება და ამ ხარვეზს წყალმომარაგების კომპანია საკუთარი თანხებით აღმოფხვრის. ასევე დაისვა სოფლის სასაფლაოზე წყლისა და ელექტროენერჯის შეყვანის საკითხი. თუმცა, საბოლოო ჯამში მაინც საბავშვო გასართობი ატრაქციონების მოწყობის საკითხი გადაწყდა, რომელსაც სოფელმა მხარი დაუჭირა. ზემო ქედში გვაქვს საბავშვო სივრცეები, ახალი ატრაქციონებია საბავშვო ბაღების ეზოებში, მაგრამ, ვინაიდან ზოგჯერ ბაღის ეზოები იკეტება და სხვა საათებში ვერ სარგებლობენ, ამიტომ მოითხოვეს სხვა სივრცეების მოწყობაც. ორ ადგილას შევძლებთ ატრაქციონების დამონტაჟებას. ერთია სოფლის შესასვლელში, ე.წ. შინმოუსვლელთა პარკში, სადაც საკმაოდ დიდი სკვერია

/გაგრძელება გვ.3/



ქვემო ქედი

ის საკითხები მოისმინა, რომლებიც სოფლის კრებებზე მოსახლეობამ წამოჭრა:

ბაჰან სუსხაშვილი (მერის რწმუნებული სოფელ ზემო ქედში): „წყალმომარაგების ქსელში არსებულ პრობლემაზე წამოიჭრა საკითხი, ერთ უბანზე დაღმართზე მილიდან წყალი ჟონავს და ადგილობრივებმა

სამრეკლოს სკოლის ძირეული რეაბილიტაცია დასრულდა

სოფელ სამრეკლოს საჯარო სკოლის სრული რეაბილიტაცია დასასრულს უახლოვდება. სამუშაოებს კომპანია „საბაკონსტრაქშენი“ ახორციელებს.

საქართველოს განათლების, მეცნიერებისა და ახალგაზრდობის მინისტრის მოადგილე გიორგი ჯინჭარაძე, სსიპ საგანმანათლებლო და სამეცნიერო ინფრასტრუქტურის განვითარების სააგენტოს დირექტორი ირაკლი კუპრავა, მისი პირველი მოადგილე ლევან მუშუკუდიანი, დედოფლისწყაროს მუნიციპალიტეტის მერი ნიკოლოზ ჯანიაშვილი, საკრებუ-

ლოს თავმჯდომარის მოადგილე გოჩა სამუკაშვილი და საგანმანათლებლო რესურსცენტრის ხელმძღვანელი მაკა ჯანაშვილი სამრეკლოს საჯარო სკოლის სარეაბილიტაციო სამუშაოების მიმდინარეობას ადგილზე გაეცნენ.

სკოლის სრული რეაბილიტაციის პროექტს სსიპ საგანმანათლებლო და სამეცნიერო ინფრასტრუქტურის განვითარების სააგენტო სასკოლო ინფრასტრუქტურის გაუმჯობესების მიზნით, საქართველოში მიმდინარე მშენებლობა/რეაბილიტაციის მასშტაბური პროექტის



ფარგლებში ახორციელებს. სამუშაოების დასრულების შემდეგ სამრეკლოს საჯარო სკოლაში სასწავლო სივრცეებთან ერთად იფუნქციონირებს საბუნებისმეტყველო და კომპიუტერული ლაბორატორიები, ბიბლიოთეკა, სასადილო და სააქტო დარბაზები, რესურსთა და ექიმის კაბინეტი, სპორტული ინფრასტრუქტურა და რეკრეაციული სივრცეები. 400 მოსწავლეზე გათვლილი სკოლა

სრულად ადაპტირებულია სპეციალური საჭიროების მქონე პირებისთვის და უზრუნველყოფილია უსაფრთხოების სისტემებით. აღსანიშნავია, რომ რეაბილიტაციის დასრულების შემდეგ სსიპ საგანმანათლებლო და სამეცნიერო ინფრასტრუქტურის განვითარების სააგენტო დამატებით უზრუნველყოფს სკოლის აღჭურვას შესაბამისი ინვენტარითა და ტექნიკით.

„საკუთარი საქმისა და სამუშაოს სიყვარული, ყოველი წარმატების საფუძველია“

გლობალური განათლების ფესტივალი, უცხოელ კოლეგებთან კოლაბორაცია, სკოლებში ვიზიტები, ტროპიკულ ტყეებში და ულამაზეს სანაპიროებზე სეირნობა, კულტურული, რელიგიური და ისტორიული ძეგლების გაცნობა - ამ და სხვა საინტერესო თემების შესახებ დედოფლისწყაროს N1 საჯარო სკოლის სასკოლო საზოგადოებას პირადი გამოცდილება ამავე სკოლის პედაგოგმა ეკა სეფიაშვილმა გაუზიარა.

საიდან დაიწყო ყველაფერი?

ეკა სეფიაშვილმა „AKS Education Awards“-ის კონკურსის შესახებ გასულ ზაფხულს შეიტყო. AKS Education Awards, AKS Worldwide Pvt Ltd-ის პროექტია, რომელიც ყოველწლიურად აჯილდოებს მსოფლიოში საუკეთესო პედაგოგებს. AKS ორგანიზაცია განათლების მართვის სფეროში უმაღლესი სტანდარტების დანერგვასა და პრაქტიკების გაუმჯობესებას ემსახურება. მისი მთავარი მიზანია განათლების ინოვაციუ-

გზაურობა სხვადასხვა კლიმატურ სარტყელში მართლაც განსხვავებული ეფექტებით იყო დატვირთული“.

პრეზენტაციისას ეკა სეფიაშვილმა ისაუბრა, თუ როგორაა მოწყობილი ინდოეთის განათლების სისტემა: „საინტერესო იყო ინდოეთის განათლების სისტემის ახლოს გაცნობა, იმ კერძოდ, სახელმწიფო თუ საერთაშორისო სკოლების გამოცდილების გაზიარება, სადაც საზღვარგარეთ განათლებამიღებული პროფესიონალი პედაგოგები მუშაობენ. ინდოეთში განათლებას ზედამხედველობას უწევს ორი ორგანო: განათლების ცენტრალური სამეთვალყურეო საბჭო (the central advisory board of education), CABE და ეროვნული მასშტაბის ორგანიზაცია - განათლებისა და სწავლების ეროვნული საბჭო - national council for educational research and training, NCERT. ამასთანავე, არ არსებობს ენერთიანი სასწავლო გეგმა. ვინაიდან ინდოეთი შტატებისგან შედგება, ყველა



შეხვედით გარემო ინკლუზიურია, მაგრამ არატიპური ბავშვები ცალკე სასწავლო გარემოში ჰყავთ და მხოლოდ ლონისძიებებში მონაწილეობისთვის მოჰყავთ ის ტიპურ ბავშვებთან“.

მან ასევე ისაუბრა, თუ რა მნიშვნელობა აქვს ასეთ კონკურსებს როგორც პედაგოგისთვის, ასევე მოსწავლეებისთვის: „ასეთი საერთაშორისო კონკურსები და პროექტები მასწავლებლისთვის ახალი გამოცდილება, პროფესიული ზრდა, ახალი კონტაქტები, კოლაბორაცია, განათლების ახლებური ტრენდებისა და ინოვაციების გაცნობა-დანერგვა-გაზიარებაა. მოსწავლეებისთვის კი გლობალური ხედვის, ინტერკულტურული უნარების, ინოვაციური, კრიტიკული, შემოქმედებითი აზროვნების განვითარების ხელშეწყობაა“-აღნიშნა ეკა სეფიაშვილმა პრეზენტაციისას.

შეხვედრა კითხვა პასუხის რეჟიმში წარიმართა. დამსწრე კოლეგებმა დამატებითი კითხვები დაუსვეს პრეზენტატორს ინდოეთის სკოლებში არსებულ სასწავლო გეგმებთან, კურიკულუმების შემუშავებასთან, უმაღლეს სასწავლებლებთან და სასწავლო გარემოსთან დაკავშირებით, რაზეც მათ ამომწურავი

პასუხები მიიღეს. შეხვედრის დასასრულს, დედოფლისწყაროს N1 საჯარო სკოლის დირექტორმა ეთერ ოთარაშვილმა მადლობა გადაუხადა ეკა სეფიაშვილს პრაქტიკისა და საინტერესო ინფორმაციის გაზიარებისთვის, მეტი ასეთი მონდომებული და წარმატებული პედაგოგი უსურვა სკოლას და სასკოლო საზოგადოების სახელით მცირედი საჩუქრები გადასცა მას.

„მასწავლებლის გლობალური ჯილდოს (Global Teacher Award) გადმოცემის სენსიტიურმა მომენტმა კიდევ ერთხელ დამარწმუნა, რომ მაღალი მოტივაცია, საკუთარი საქმის, ადამიანებისა და სამშობლოს სიყვარული, სხვისი კეთილდღეობის მიმდებლობა, მადლიერების და პასუხისმგებლობის განცდა და მუდმივად უკეთესისკენ სწრაფვა, არის ყოველი წარმატების საფუძველი. მადლობა დედოფლისწყაროს პირველი საჯარო სკოლის სასკოლო საზოგადოებას, ქალბატონ ეთერ ოთარაშვილს, ყველა კოლეგას და ჩემს უსაყვარლეს მოსწავლეებს და მათ მშობლებს გვერდში დგომისთვის“- აღნიშნა ეკა სეფიაშვილმა.

გეტყვი, რომ საქართველოსთან ერთად ინდოეთში გამართულ AKS კონკურსში გაიმარჯვეს მასწავლებლებმა შემდეგი ქვეყნებიდან: იტალია, ირლანდია, ესპანეთი, თურქეთი, მოროკო, პორტუგალია, შრილანკა, არაბეთი, ინდოეთი, ბრაზილია, აზერბაიჯანი, პოლონეთი, სინგაპური. ნელს მასწავლებლის გლობალური ჯილდოს კონკურსში მონაწილეობა ჯამში 65 ქვეყნიდან 1486 განათლების სფეროს წარმომადგენელმა მიიღო და გაიმარჯვა მხოლოდ 10 ქვეყნის 50-მა მასწავლებელმა.

გაზიტი „შირაში“ კიდეც ერთხელ ულოცავს ქალბატონ ეკა სეფიაშვილს საერთაშორისო აღიარებას და მოგაპვალ წარმატებას უსურვავს პროფესიულ საქმიანობაში.

შუშუნა ყანაშვილი
ხათუნა ბენაშვილი



რი მიდგომების დანერგვა და პედაგოგების პროფესიონალიზმის ამაღლება. „ამ პროექტის შესახებ 2024 წლის ზაფხულში გავიგე. შემთხვევით წავიკითხე პოსტი „ქართველ მასწავლებელთა საზოგადოების პლატფორმაზე და დავინტერესდი. საკუნძურსო განაცხადის შევსება საკმაოდ რთული და ხანგრძლივი პროცესი აღმოჩნდა. ჩემს მიერ ჩატარებული ყველა ლონისძიების დეტალური აღწერა, მტკიცებულებების მოგროვება, დირექტორის, ხუთი პედაგოგის და სათემო წარმომადგენლის მხრიდან რეკომენდაციები უნდა წარმედგინა. მიუხედავად იმისა, რომ ეს ადვილი არ ყოფილა, მაინც ბოლომდე შევავსე. ამასთან, მაინტერესებდა, რამდენად მქონდა განსხვავებული სამყაროსადმი მიმდებლობა, მიუხედავად იმისა, რომ ჩვენი სასკოლო საზოგადოება არანაკლებ გამოირჩევა განსხვავებულობითა და მიმდებლობით. უნდა აღვნიშვნო, რომ ახლად შეძენილ უძვირფასეს პედაგოგებთან ერთად მო-

შტატს თავისი სასწავლო კურიკულუმები აქვს შედგენილი. უნდა აღვნიშნო ინკლუზიურ სასწავლო გარემოსთან დაკავშირებული ერთი დეტალი - ერთი



Forbes-მა მსოფლიოს ყველაზე ძლიერი სახელმწიფოები დაასახელა – რომელი ქვეყნები მოხვდნენ რეიტინგში

Forbes-მა მსოფლიოს ყველაზე ძლიერი სახელმწიფოების რეიტინგი განაახლა. აღნიშნული რეიტინგი დგინდება სახელმწიფოს პოლიტიკური გავლენის, ეკონომიკური რესურსების, ალიანსებისა და სამხედრო ძალის გათვალისწინებით.

მონაცემებს მიხედვით, მსოფლიოში ყველაზე ძლიერი სახელმწიფო ამერიკის შეერთებული შტატებია, რომლის მშპ 30.34 ტრილიონ დოლარს შეადგენს. ამერიკას რეიტინგში მოსდევს ჩინეთი (მშპ 19.53 ტრილიონი დოლარი) და რუსეთი (2.2 ტრილიონი დოლარი).

აღსანიშნავია ისიც, რომ ძლიერი სახელმწიფოების ხუ-

თეულის სიას გაერთიანებული სამეფო (3.73 ტრილიონი დოლარი) და გერმანია (მშპ 4.92 ტრილიონი დოლარი) ხურავენ. რაც შეეხება ძლიერი სახელმწიფოების ათეულს, დარჩენილი 5 ადგილი შემდეგმა ქვეყნებმა გაინაწილა:

- **სამხრეთ კორეა (მშპ 1.95 ტრილიონი დოლარი);**
- **საფრანგეთი (მშპ 3.28 ტრილიონი დოლარი);**
- **იაპონია (მშპ 4.39 ტრილიონი დოლარი);**
- **საუდის არაბეთი (მშპ 1.14 ტრილიონი დოლარი);**
- **ისრაელი (მშპ 550 მილიარდი დოლარი).**

ზემო მაჩხანელი სპორტსმენების მორიგი წარმატება

9 თებერვალს ქ თბილისში ჩატარდა საქართველოს პირველობა ხრიდოლის ერთ-ერთ სახეობა რკენაში.

ხრიდოლის აკადემიის ორგანიზებით (აკადემიის პრეზიდენტი ნუკრი მჭედლიძე) ჩატარებულ პირველობაში მონაწილეობდა სპორტული კლუბი „ზაქები“ ზემო მაჩხანიდან - 7 სპორტსმენით, მწვრთნელი - გენადი ნატროშვილი. შედეგები ესეთია: **პირველ ადგილზე გავი-**

- და 3 სპორტსმენი.** ესენი არიან
- *საბა ხუმარაშვილი 87კგ 2008
 - *ნიკა ცაყაშვილი 53კგ 2008
 - *ნიკოლოზ ნასრაშვილი 47კგ 2013
- მესამე ადგილები დაიკავეს:**
- *გოჩა ჩუთლაშვილი - 69კგ, 2009;
 - *ნიკა ჯაბაშვილი - 72 კგ, 2009;
 - *ზუკა ძნელაშვილი - 40კგ, 2013;
 - *რატი დაუთაშვილი - 37კგ, 2013;



«ყოველთვის იბრძოლეთ თქვენი მიზნების მისაღწევად...»

დიდხანიანი პაუზის შემდეგ დედოფლისწყაროს FLEX-ის პროგრამის გამარჯვებული ჰყავს. დედოფლისწყაროს N1 საჯარო სკოლის XI კლასის მოსწავლე ირაკლი საბიაშვილი ნარმატებით განაგრძობს სასაზღვრო ტრენინგებს, განსაკუთრებით გასული წლის ლიდერთა გაცვლითი პროგრამის (FLEX-ის) ფინალისტი. ირაკლი 2025 წლის ავგუსტში ეწევა ერთი წლით გადამზავრება ამერიკის შტატებში. ირაკლი „შირაჟი“ დაინტერესდა და ირაკლის პროგრამაში მონაწილეობაზე, მიზნებზე, სამომავლო გეგმებზე და პერსპექტივებზე ესაუბრა.



- ირაკლი, მოგიყვები შენ შესახებ. ვინ არის ირაკლი საბიაშვილი? რას აკეთებ თავისუფალ დროს? რა ჰობი და გატაცებები გაქვს?
 მე ვარ ირაკლი საბიაშვილი, 16 წლის, დედოფლისწყაროს პირველი საჯარო სკოლის მოსწავლე. თავისუფალ დროს დაკავებული ვარ ვარჯიშით, კალათბურთით, ვიდეო-თამაშების თამაშით და ელექტრო გიტარაზე ახალი კომპოზიციების სწავლით. ვფიქრობ, ეს ყველაფერი ჩემი ჰობია.
- რატომ დაინტერესდი „ფლექსის“ პროგრამით? რა მნიშვნელობა აქვს

შენთვის ამ პროგრამას?
 „ფლექსის“ შესახებ ჩემი ინგლისურის მასწავლებლისგან გავიგე. ბავშვობიდან დაინტერესებული ვიყავი უცხო ენებით და საზღვარგარეთ სწავლით. სწორედ მან მითხრა, რომ არსებობს ასეთი გაცვლითი პროგრამა - „ფლექსი“, რომელიც დამეხმარებოდა ჩემი მიზნების მიღწევაში. „ფლექსში“ გამარჯვება ჩემი ბავშვობის ოცნება იყო. ოცნების ახდენა შედეგი, ამიტომ ამ პროგრამას ჩემთვის უდიდესი მნიშვნელობა აქვს. ის დამეხმარება, განვივითარდე და გავხდე თავისუფლად მოაზროვნე, დამოუკიდებელი ადამიანი.
- როგორც ცნობილია, პროგრამა რამდენიმე ეტაპისგან შედგება. ახლავს თუ არა სირთულეები ამ ეტაპების გავლას? რთული იყო თუ არა ამ პროგრამაში მოხვედრა?
 პროგრამა შედგება სამი ეტაპისგან: ესეების წერა, ინგლისურ ენაში ტესტირება და ბოლო ეტაპი, გასაუბრების, ჯგუფური სამუშაოს და კიდევ ერთხელ ესეების წერისგან შედგება. რა თქმა უნდა, სამივე ეტაპს ახლავს თავისი სირთულეები, თუმცა, ვინც ამ ყველაფერს გონივრულად მიუდგება, მარტივად და წარმატებით დაძლევის ყველა ბარიერს და გაიმარჯვებს. ამ კონკრეტულ გაცვლით პროგრამაში მოხვედრა საკმაოდ რთულია და მასში გამარჯვების პროცენტულობა უფრო დაბალია, ვიდრე ჰარვარდში, ოქსფორდში ან სხვა უმაღლესი დონის უნივერსიტეტში მოხვედრა.
- ვინ გეხმარებოდა ამ სირთულეების გადალახვაში? ვინ ან რა იყო შენი მოტივაციის წყარო?
 ამ სირთულეების დაძლევაში დედა და ჩემი ინგლისურის მასწავლებელი ქეთევან ტაველურაშვილი დამეხმარნენ, ხოლო ჩემი მოტივაციის წყარო უკეთესი მომავლის იმედი, განვითარებისა და წინსვლის სურვილი იყო.
- როგორი შეგრძნებაა ფინალისტად ყოფნა?
 ჩემთვის „ფლექს“ პროგრამის ფინალისტობა უდიდესი წარმატებაა და ძალიან გახარებული ვარ, რომ მომავალ სასწავლო წელს ამერიკის შეერთებულ შტატებში გავატარებ.
- რამდენად საპასუხისმგებლოა ეს სტატუსი შენთვის? შენ მხოლოდ ირაკლი საბიაშვილი როგორც პიროვნებას აქვს თუ არა, სკოლას, მუნიციპალიტეტს, ქვეყანას წარმოადგენ...
 „ფლექსის“ ფინალისტობა ძალიან

საპასუხისმგებლო სტატუსია, რადგან ა.შ.შ.-ში წარმატებით უნდა წარმოვაჩინო და ყველას გავაცნო ჩემი ქვეყანა. მისი კულტურა, ტრადიციები, წეს-ჩვეულებები. შეუძლებელია, ამას პასუხისმგებლობის გარეშე შეხედოს ახალგაზრდამ.
- რა მოლოდინებთან და პერსპექტივებთან არის დაკავშირებული ამერიკაში ერთი სასწავლო წლის გატარება?
 ამერიკაში ერთი სასწავლო წლის გატარება ჩემი მომავლის განვითარებისთვის ფართო შესაძლებლობას მძლევს. ვფიქრობ და ძალიან დიდი სურვილი მაქვს, ამ სტატუსის დახმარებით შევძლო ჩემი ცხოვრება ისე წარვმართო, როგორც ოცნებებში მესახება.
- როგორ ფიქრობ, უცხო ქვეყანა, უცხო ადამიანები, უცხო გარემო, შენთვის უფრო გამოწვევა იქნება თუ ეს დაგეხმარება შენი თავის უკეთესი ვერსია შექმნა და გამოწვევა შანსად აქციო?
 არ ვფიქრობ, რომ უცხო ქვეყანა, ხალხი და გარემო ჩემთვის, ან რომელიმე ფინალისტისთვის გამოწვევა იქნება, რადგან „ფლექს“ პროგრამის მთავარი მიზანი ამისთვის მზადყოფილია, უკვე კარგად მომზადებული და მობილიზებული მოსწავლეების შერჩევაა. პროგრამა იმ მოსწავლეებს, ახალგაზრდებს აგზავნის ამერიკაში სასწავლებლად, რომლებიც ამ ყველაფერს არა როგორც გამოწვევას, არამედ როგორც შანსს ისე მიუდგებიან.
- აქვს თუ არა ირაკლი საბიაშვილს წარმატების ფორმულა?
 ირაკლი საბიაშვილის წარმატების ფორმულა არის მონდომება და უკეთესი, წარმატებული მომავლის სურვილი.
- რა არის შენი სამომავლო გეგმები? რას გეგმავ ქვეყანაში დაბრუნების შემდეგ?
 დაბრუნების შემდეგ, ჩემი სამომავლო გეგმები სწავლას უკავშირდება. მინდა, ვისწავლო უმაღლესი დონის



უნივერსიტეტში, საქართველოში ან ამერიკაში. ვფიქრობ, ეს ჩემს საყვარელ ხალხთან ერთად წარმატებული ცხოვრების საშუალებას მომცემს.
- რა არის შენი გზავნილი ახალი თაობისთვის? როგორ შეაფასებდი დღევანდელ თაობას?
 ახალ თაობას ვეტყვი, რომ არასდროს დაზოგონ თავი და ყოველთვის იბრძოლო თავიანთი მიზნების მისაღწევად. დღევანდელი თაობით ვამაყობ და ვიცი, რომ ეს თაობა საქართველოს ააყვავებს და ევროპულ მომავალს შეუქმნის.
გაზეთი „შირაჟი“ ულოცავს ირაკლი საბიაშვილს, მის მშობლიურ სკოლასა და მუნიციპალიტეტს მიღწეულ შედეგს. უსურვებს წინსვლას, წარმატებასა და ყველა იმ ოცნებისა თუ მიზნის ასრულებას, რომელიც დაეხმარება უკეთესი მომავლის შექმნასა და საკუთარი თავის საუკეთესო ვერსიის ჩამოყალიბებაში. გვჯერა, ირაკლი და მისი თაობა განსაკუთრებულ როლს შეასრულებენ ჩვენი ქვეყნის განვითარების საქმეში.
პ.ს. ინფორმაციისთვის გატყვი, რომ უკვე ოცდაათი წელია მიტოვებულია ირაკლი საბიაშვილი და იცხვრება ამერიკულ ოჯახებში. პროგრამას ავინანობს ამერიკის მთავრობა და აღმინისტრირებას შენვეს საერთაშორისო განათლების ამერიკული საბჭოები.
 ესაუბრა
 შუშუნა ყანჩაშვილი

„მოხალისეობა დადებითი ცვლილებებისთვის“

7 თებერვალს, საგანმანათლებლო სესია მოხალისეობის საკითხებზე, კახეთის რეგიონში მცხოვრები ახალგაზრდებისთვის, ლაგოდეხის მუნიციპალიტეტში ჩატარდა.

სესიის ბოლოს მოენყო პანელური დისკუსია, რომელშიც მონაწილეობდნენ: ნინო ბატიაშვილი ლაგოდეხის მერის მოადგილე, ნინო ალადაშვილი დედოფლისწყაროს მუნიციპალიტეტის წარმომადგენელი, მუსლიმ ბოჩაშვილი 2024 წლის საუკეთესო მოხალისის

ეროვნული ჯილდოს გამარჯვებული, პანკისიდან, ლია მარგოშვილი „როდი სკოტის სახელობის ფონდის/ინგლისურ-ენოვანი სკოლის ხელმძღვანელი“, პანკისიდან.

„ძალიან კარგი სესია იყო მოხალისეობის თემაზე, მსგავს შეხვედრებს დიდი როლი აქვს ახალგაზრდების ცხოვრებაში, ახალი შესაძლებლობების კარს გვიხსნის და გვიბიძგებს ხვალ, ჩვენი თავის უკეთესი ვერსია ვიხილოთ“ - ანანო ხინგავა, სესიის მონაწილე.



ლე, ლაგოდეხის მუნიციპალიტეტი.

პროექტს „მოხალისეობა დადებითი ცვლილებებისთვის“ „ჰელფინგ ჰენდი“ ახალგაზრდობის სააგენტოს მხარდაჭერით საქართველოს მასშტაბით ახორციელებს.

სესიაზე მონაწილეობა დედოფლისწყაროს მუნიციპალიტეტის ახალგაზრდული ცენტრის წევრებმა: ლიკა ჯინაშვილი, არინა ავალიანა, (ხორნაბუჯის საჯარო სკოლა), ქეთი ჭაჭაშვილი, მარიამ გომილაშვილი (წმ. მეფე ვახტანგ გორგასლის სკოლა-ინტერნატი) მიიღეს. ახალგაზრდები დიდი შთაბეჭდილებით და მო-

ტივირებულები დაბრუნდნენ. გეგმავენ მოხალისეობის საკითხზე საინფორმაციო შეხვედრას თანატოლებისთვის, რათა სულ უფრო მეტი ახალგაზრდა ჩართონ მოხალისეობრივ საქმიანობაში.

პროექტს - „მოხალისეობა დადებითი ცვლილებებისთვის“ „ჰელფინგ ჰენდი“, ახალგაზრდობის სააგენტოს მხარდაჭერით, საქართველოს მასშტაბით ახორციელებს. „მადლობა“ „ჰელფინგ ჰენდს“ და ახალგაზრდობის სააგენტოს ამ შესაძლებლობისთვის“ - აცხადებენ ახალგაზრდულ ცენტრში.

ორნამენტებში განსხვავებული საქართველოს ისტორია

საკუთარი თოჯინების შექმნის სურვილი გავრცობილია ყველანაირი ხალხის შიშველ ტოჯინაზე და მისი ტან-საცმელიც საკმაოდ ახალგაზრდას შეეძლება. რამდენიმე წელიწადი გატარებული უნდა იქნას და სერიოზულად მოჰქონდეს ხელი ტრადიციული ხელსაქმის შესწავლას და ამ საქმის სხვაობის შესწავლას.

„ახლა ბავშვებს ვასწავლი ხელნაკეთი ნივთების შექმნას. მათ წესიერად ნემსისა და ძაფის ხელში ჩერაც არ იციან, მაგრამ საჭირო უნარებს მალევე გამოიმუშავენ - ხოლმე და მოკლე ხანში მშვენიერ სუვენირებს ქმნიან. თანამედროვე თაობა ძალიან ნიჭიერია. ნიჭთან ერთად მათ აქვთ ის უნარები, რომელსაც თანამედროვე ტექნოლოგიური ბაზა აძლევს. ზოგიერთმა ჩემმა მოწაფემ დაამზადა და რეალიზაციაც გაუკეთა საკუთარი ხელით შექმნილ სუვენირებს. ასე, მაგალითად, საახალწლოდ დაამზადა ნაძვის ხის მოსართავები და გაყიდა“ - ამბობს ჩვენთან საუბრისას ლია ნატროშვილი, რომელიც დღეს ჩვენი გაზეთის სტუმარია.

ხელნაკეთი ნივთებისა და სუვენირების შექმნის წრე, რამდენიმე წელია, ფუნქციონირებს დედოფლისწყაროს

ნახულობენ, რადგან მათ ძალიან დატვირთული დღის რეჟიმი აქვთ, ჩვენც სამუშაო საათები შეზღუდული გვაქვს და ერთმანეთთან განშორება გვინდა...
-რა მიზანს ისახავდა თქვენი არასამთავრობო ორგანიზაცია?

- არასამთავრობო ორგანიზაციის „ქალები ოცდამეერთე საუკუნეში“, მიზანს წარმოადგენდა მარტოხელა და სოციალურად დაუცველი ქალების ეკონომიკური გაძლიერება, მათთვის ხელსაქმის სწავლება და საკუთარი პროდუქციის შექმნა, რომლის რეალიზაციითაც ისინი სიღარიბის დაძლევის შედეგად იყვნენ. თავიდან ყველაფერი კარგად იყო, მაგრამ ცოტა ხანში ბევრი მსურველი იკარგებოდა და უარს აცხადებდა ჩვენი სიარულზე. მოგვიანებით მივხვდით, რომ წინა ხელი-სუფლების პირობებში, პოლიტიკური ნიშნით არ უშვებდნენ ქალებს ჩვენთან. არადა, მე აბსოლუტურად აპოლიტიკური ადამიანი ვარ...
-კი, შესაძლოა, თქვენ აპოლიტიკური ბრძანებით, მაგრამ მაინც მოხვედრით პოლიტიკაში, თქვენ იყავით დედოფლისწყაროს მუნიციპალიტეტის საკრებულოს წევრი...

-ყოველთვის ვიყავი აქტიური ადამიანი, საარჩევნო ადმინისტრაციის



კოალიციური მთავრობა, იმ პარტიიდან, რომლის წევრიც ვიყავი-პარტია - „რესპუბლიკელები“, კენჭი ვიყარე და გავხდი საკრებულოს წევრი 2014-2018 წლებში.

-რას იტყობით, რას ცვლიან ქალები პოლიტიკაში?

-ქალები მეტად ორიენტირებულნი არიან სოციალურ საკითხებზე, ქალებისა და ბავშვებისთვის უკეთესი პირობების შექმნაზე. ქალი ქვეყანაში დემოგრაფიული პრობლემის არსებობას გაცილებით მწვავედ განიცდის, ამიტომ მეტი ქალი პოლიტიკაში-ეს აუცილებელია ისევე ჩვენი ოჯახების კეთილდღეობისთვის.

-დაუბრუნდეთ ისევ თქვენს ახლანდელ საქმიანობას, როგორც აღნიშნეთ, თქვენ ენვეტი ტრადიციული რეწვის ნიმუშების შექმნას, მის აღდგენა-შენარჩუნებას. თოჯინებისა და ხელნაკეთი სუვენირების გარდა რის დამზადებას ასწავლით?

-დღემდე მაქვს დაზგები, რომლებზეც შესაძლებელია ფარდაგებისა და ხალიჩების ქსოვა, მაგრამ არავინ გამოჩნდა, რომ ხალიჩის მოქსოვის ან მისი სწავლის სურვილი გამოეთქვა.

თავდაპირველად, სტუდენტობისას მეგობრისგან ვისწავლე თქვის დამზადება, მივხვდი, რომ ეს ის სიახლე იყო, „ყველა ახალი კარგად დაინყებულ ძველი რომაა“. როდესაც ტრადიციული დარგების აღორძინებაზე დაიწყო საუბარი, მივხვდი, რომ ისეთი რამე უნდა მეკეთებინა, რომელიც ჩემთვისაც და ქვეყნისთვისაც ერთნაირად სასარგებლო იქნებოდა. სარგებლობის მოტანასთან ერთად კი სასიამოვნოც. ტურიზმის განვითარებასთან ერთად აქტუალური გახდა ჩვენი ტრადიციული ხელსაქმე, რადგან უცხო ქვეყნიდან ჩამოსულ სტუმარს აინტერესებს ახლისა და განსხვავებულის ნახვა. სწორედ

მეს + სარგებელი. პატარების ხელით დამზადებული თითოეული სუვენირი სწორედ ეროვნულ ხასიათს ატარებს. სანამ იქნებოდა ხელსაქმის შესწავლის მსურველები, მანამდე უსასრულოდ გავრძელებდა მათში ჩვენი ტრადიციებიც. ქართველი ქალისთვის ოდიტგანვე აუცილებელი იყო ხელსაქმის ცოდნა-ქსოვა, კერვა, ქარგვა... ქსოვა-ქარგვა გველობა ჩვენს ქვეყანაში ჯერ კიდევ ბრინჯაოს ხანაში იყო განვითარებული. ხალხური ხელსაქმე ტრადიციულ ქართულ ოჯახებს წესად მოსდევდათ. იგი თაობიდან თაობას გადაეცემოდა. რთვა-ჩეჩვა, ქსოვა, ქარგვა ოჯახში ყველა ქალს უნდა სცოდნოდა. პატარადაც თავისი ნაქსოვი, ხურჯინ-ჯეჯიმები და წინდები ქმრის ოჯახისთვის საჩუქრად მიჰქონდა. ბუნებრივი მატყლის ძაფისაგან საქართველოში უძველესი დროიდანვე იქსოვებოდა: შალის ქსოვილები, ხალიჩები, ფარდაგები, ყაჯარ-ჯეჯიმები; ნაქსოვი და შეკერილი სამოსი კი ბოლოს იქარგებოდა. ასევე იქარგებოდა: სამაჯურები, ლეჩაქები, მანდილები, ქუდები, თავსაკრავები, ყაბალახები, ფაფანაკები, პერანგები...

ტრადიციული ხელსაქმის შესწავლასთან ერთად ბავშვებს უვითარდებათ მოტორიკა, სწავლობენ ფერთა შეხამებას. გაკვეთილზე ყოფნისას ისინი არ არიან მობილური ტელეფონების „ტყვეობაში“ და ერთმანეთთან არა ვირტუალურად, არამედ ცოცხლად ურთიერთობენ. აქ მოდიან ისინი, ვისაც ხელოვნების სიყვარული ამოძრავებს, ხოლო მათი მშობლები კი დროის სწორ მენეჯმენტზეც აკეთებენ აქცენტს.

მინდა, მადლობა გადავუხადო ჩვენი მუნიციპალიტეტის ხელისუფლებას, რომელთაგანაც ვგრძნობთ ყურადღებას. იყო დრო, როდესაც ძაფებიც კი არ გვექონდა, ნაშალი ძაფები სახლიდან მომქონდა, ასევე სხვა დეტალებიც, ბავშვებისთვის გაკვეთილი რომ ჩამეტარებინა. ახლა ეს პრობლემა აღარ გვაქვს.

ტრადიცია გრძელდება. ტრადიციული ხელსაქმის შემსწავლელი წრე მოზარდებს ქართული ორნამენტების გამოყენებით ქარგვას, ქსოვას, თქაზე მუშაობას ასწავლის და მათშიც გადადის ბრინჯაოს ხანაში დანყებულ საქართველოს ისტორია. ტრადიციულ თანამედროვე ელემენტებს უმატებენ და ასე იქმნება თევზის ფხვით - ვარდები, რიყის ქვებითა და გირჩებით-საახალწლო პეიზაჟები...

ბავშვები ქმნალობის პროცესითაც სიამოვნებას იღებენ და უკვე დასრულებული ნამუშევრებითაც, რომელსაც საჩუქრის გაღებითა და მადლიერებით მიღებული ბედნიერების გრძნობა ავირგვინებს.

ხელოვნება ხომ სწორედ ესაა - მისი მსახურიც და შემფასებელიც ბედნიერია.

ინგა შიოლაშვილი



მოსწავლე-ახალგაზრდობის სახლში. დღეს ლია ნატროშვილთან 15 ბავშვი ეუფლება ტრადიციული რეწვის ნიმუშების შექმნის ხელოვნებას. ლია პროფესიით ინჟინერია, მაგრამ თავისი ცხოვრების მთავარ პროფესიად ხელოვნების მსახურება აირჩია.

„2003 წლიდან მაქვს არასამთავრობო ორგანიზაცია „ქალები ოცდამეერთე საუკუნეში“, სადაც მარტოხელა, ხანდაზმული ქალბატონები იყვნენ გაერთიანებულნი და მათთან ერთად ვაკეთებდი თოჯინებს, რომელთა ტანისამოსიც ტრადიციულ მოტივებზე იყო შექმნილი. თოჯინები ყველას მოსწონდა, მაგრამ რეალიზაცია გვიჭირდა. როგორც ჩანს, ამას ცალკე ნიჭი სჭირდება...“

ბევრი თოჯინა გვაქვს დამზადებული, მაგრამ გაყიდული- ცოტა. გამოწვევის იყო ის პერიოდი, როდესაც ახლად გვექონდა დანყებული მე და ჩემს მეგობარს ეს საქმიანობა. მაშინ, ერთი არასამთავრობო ორგანიზაციის დახმარებით ამერიკაში გავაგზავნეთ ჩვენი თოჯინები და ყველა მათგანი გაიყიდა. დღეს თოჯინების დამზადება ტრადიციული სამოსით შეჩერებული მაქვს, თუმცა, ახლა ვგეგმავ, რომ თოჯინები მოექსოვო. თოჯინების დამზადების ეს ტექნიკა დღეს ძალიან ტრენდულიცაა და მოთხოვნადიც.

-რა ასაკობრივი კატეგორია ინტერესდება თქვენი წრით?

-საჯარო სკოლების დაწყებითი კლასების მოსწავლეები, ასე პირველიდან-მეექვსე კლასის ჩათვლით. უფროსკლასელები დროს ვეღარ

წარმომადგენელიც ვიყავი- დამოუკიდებელი საქართველოს პირველი არჩევნების დროს, რეფერენდუმი მე ჩავატარე, მაგრამ პოლიტიკურად ანგაჟირებული არასოდეს ვყოფილვარ, არასოდეს მომიხვევია ვინმესთვის ჩემი პოლიტიკური შეხედულებები, რაიმე სახის ზენოლაზე ხომ საუბარიც ზედმეტია. თანაც, ვთვლი, რომ ხელოვნება აბსოლუტურად გამიჯნული უნდა



იყოს პოლიტიკისგან. ეს ის სფეროა, რომელსაც პოლიტიკური პროცესები არ უნდა ეხებოდეს.

საკუთარი პოლიტიკური ხაზი და მოსაზრებებიც ყოველთვის მქონდა. ამიტომ, როდესაც „ქართული ოცნება“ მოვიდა ხელისუფლებაში და შეიქმნა

ქართული ტრადიციები, რითიც გამოირჩეულია ჩვენი ქვეყანა. თითოეული ორნამენტი საქართველოს კუთხეების ისტორიას, წეს-ჩვეულებებს ინახავს...

დღეს ჩემი სამსახურიც სწორედ ამ ხაზს აგრძელებს-ეროვნულ საქ-

„ნეოლაბი“ — გიწვევთ!

კლინიკა „ნეოლაბის“ დედოფლისწყაროს ფილიალი უბიძგის ქ. გიორგი ბერიძის ქ. ნომერზე

პედიატრის, კარდიოლოგის, ინფექციონისტი, ექოსკოპისტის, გინეკოლოგის და გასტროენტეროლოგის ვიზიტები კლინიკა „ნეოლაბში“ ყოველთვიურად ხორციელდება.

დერმატოლოგი - 21 თებერვალი

გასტროენტეროლოგი, გინეკოლოგი, ექოსკოპისტი - 22 თებერვალი.

კონსულტაცია ფასიანია ჩანერისთვის უნდა დაგვიკავშირდეთ კლინიკის ნომერზე:

0 (356) 20 00 85 ან 596 39 20 00.

კლინიკა „ნეოლაბის“ დედოფლისწყაროს ფილიალი მდებარეობს ქ. დედოფლისწყაროში, რუსთაველის ქ. №57.

მაია მრავათაძე
დედოფლისწყარო

თამარ მგალობლიძე
გასტროენტეროლოგი

სოფო ალაშვილი
ექიმი - ხატიოლოგი

დავით სხირტაძე
გინეკოლოგი

კლინიკა ნეოლაბი
დედოფლისწყარო

შინ, მშობლიურ დედოფლისწყაროში



დედოფლისწყაროელებისთვის კარგად ცნობილი და ყველასთვის საყვარელი ეკა ექიმი მშობლიურ რაიონს რამოდენიმე ხნის წინ დაუბრუნდა.

ნევროლოგი **ეკა გონაშვილი** დაბადა და გაიზარდა დედოფლისწყაროში, ჩვენი საზოგადოებისთვის კარგად ცნობილი, ძვირფასი ადამიანების - ქ-ნი ნათელა და ბ-ნი გოდერძი გონაშვილების ოჯახში. ეკა ბავშვობიდანვე გამოირჩეოდა მოყვასისადმი განსაკუთრებული მზრუნველობით და ემპათიით გარემომყოფთა მიმართ. გამოირჩეოდა ასევე კარგი სწავლითა და აღზრდით. ჰყავს მეუღლე, ორი შვილი, რძალი და შვილიშვილი. თუ რა გზა გაიარა მან თბილისის სახელმწიფო სამედიცინო უნივერსიტეტის დამთავრების შემდეგ, ამის შესახებ თავად გვიამბობს:

ეკა გონაშვილი, რეგიონული ჯანდაცვის ცენტრის დედოფლისწყაროს

კლინიკის ექიმი ნევროლოგი: - ჩემი და დედოფლისწყაროს კლინიკის ისტორია მუდმივად სანაყისთან დაბრუნებას ჰგავს. თითქოს, სადაც არ უნდა წავიდე, ჩემი გული ყოველთვის აქ არის და ბოლოს ჩემი ყველა გზაც სწორედ აქ ბრუნდება. ასე მოხდა 4 თვის წინაც, როდესაც ათწლიანი განმარტების შემდეგ მშობლიურ კოლექტივს და რეგიონული ჯანდაცვის ცენტრის სამედიცინო პროცესს დავეუბრუნდი. სულ პირველი გადაკვეთა 2000 წელს იყო. დედოფლისწყაროს რეგიონული ჯანდაცვის ცენტრში ნევროლოგად მაშინ 15 წელი ვიმუშავე. შემდეგ იყო გრძელი გზა - ჯერ თბილისის ცენტრალურ საავადმყოფოში, შემდეგ კავკასიის მედიცინის ცენტრში, ჯერ შოსპიტალში, ისტორიულ რესპუბლიკურ საავადმყოფოში და ავერსის კლინიკაში. ამ მოგზაურობისას **სიმატლე გითხრათ, სულ ვიცოდი, რომ ახალ ცოდნას და გამოცდილებას დედოფლისწყაროს პაციენტებისთვისაც გამოვიყენებდი.**

დღე, როდესაც ათი წლის შემდეგ ისევ ამ კედლებში შემოვედი, სენტიმენტებით და გარემოებებით პასუხისმგებლობით სავსე აღმოჩნდა. ისეთი შეგრძნებაც მქონდა, თითქოს არც წავსულვარ. ამ კოლექტივმა ჩემს პროფესიაში უდიდესი როლი ითამაშა და ასეა ახლაც.

მე დედოფლისწყაროში დავიბადე, გავიზარდე და მთელი ეს დრო რაიონთან წყვეტა არც მქონია, აქ ცხოვრობდნენ ჩემი მშობლები და ახლაც აქ არის მამა, რომლისთვისაც ჩემი სამუშაოდ დაბრუნება უდიდესი სიხარული იყო.

პირველ რიგში გადაუდებელი დახმარების არსებობა, რომელსაც რეგიონული

ჯანდაცვის ცენტრი ახორციელებს, რაიონისთვის სასიცოცხლოა. ასევე ის სახელმწიფო სერვისები და სამედიცინო მომსახურება, რომელსაც დედოფლისწყაროს ექიმები უზრუნველყოფენ.

ბით მოვამარ ჩემი რაიონის ძვირფას მოქალაქეებს. ვიმედოვნებ, რომ უახლოეს მომავალში საშუალება გვექნება, ჩვენს თანამოქალაქეებს მაღალტექნოლოგიური კვლევებითაც მოვმსახუროთ, - გა-



ამის გარეშე დედოფლისწყაროში ცხოვრება უბრალოდ წარმოუდგენელი იქნებოდა. მიხარია, რომ ამ პროცესის ნაწილი ვარ, რადგან **ეკიმოვა სიღრმისაღვი პროფესიონალი, რეგიონული ჩამოყალიბებული ჯიკურთის ერთად მკურნალობისას პაციენტის სულიერ მდგომარეობაზე ზრუნვას და პასუხისმგებლობასაც ნიშნავს.** აქვე აღვნიშნავ, რომ წლების მანძილზე დედაქალაქში განუღმამა პრაქტიკამ გარკვეული გამოცდილება შემძინა, რაც ავტომატურად დამატა ჩემს ცოდნას. ამ ყველაფერს დიდი მონდომე-

ნაცხადა „შირაქთან“ საუბარში ეკა ექიმმა. **დასასრულს, მინდა წარმატებები ვუსურვო ქ-ნ ეკას, მე კარგად ვიცნობ მას, როგორც საუკეთესო ექიმს და ასეთივე მოქალაქეს. მისი რესპუბლიკურ საავადმყოფოში მუშაობისას მოპოვებული მაღალი ავტორიტეტის შესახებ პირადად მაქვს ინფორმაცია თბილისში ცნობილი არაერთი ექიმისგან და მჯერა, კიდევ უფოვალავი ადამიანის გამოჯანმრთელებას შეძლებს მშობლიურ მუნიციპალიტეტში.**

ესაუბრა **ელზა ხარაშვილი**

ულოცავენ! მაია გამხარავილს!



ჩემო ერთო, ერთადერთო, მზე ხარ, რომელიც მინათებს, მათობს, მამბდნიერებს. შენ ხარ იმედი, ჩემი სიხარული, ცხოვრება, რომელიც სიცოცხლეს მისანგრძლივებს. მიუხედავად ყოველდღიური კონტაქტისა, მაინც ძალიან მენატრები და მიყვარხარ. დაბადების დღეს გილოცავ, შვილო, ჯანმრთელი და გახარებული ყოფილიყავი შენს შვილებთან, შვილიშვილებთან ერთად, ვინც გიყვარს და ვისაც უყვარხარ. გკოცნი ბერს.

დედა, **ლიანა გამხარავილი**

14 თებერვალი - წმინდა კალენტინის დღე
ვალენტინობის დღის აღნიშვნა V საუკუნის რომში დაიწყო. მას მთელი ქრისტიანული სამყარო აღნიშნავდა. ახლა 14 თებერვალს, როგორც წმინდა ვალენტინის ოფიციალურ საეკლესიო დღესასწაულს, მხოლოდ პროტესტანტები აღნიშნავენ ლუთერანულ და ანგლიკანურ ეკლესიებში.
ლეგენდის თანახმად, მრისხანე კლავდიუსს მტკიცედ სწამდა, რომ მარტოხელა მამაკაცი, რომელსაც არც ოჯახი ჰყავდა და არც საყვარელი ქალი, უკეთ იბრძოდა და ემსახურებოდა სამშობლოს, ვიდრე დაოჯახებული და წერილმწილიანი. ამიტომ კლავდიუსმა ქორწინება აკრძალა, მაგრამ ვალენტინი ამ წმინდა ქრისტიანულ საიდუმლო წესს რომის იმპერატორისგან მაღულად მაინც აღასრულებდა. სიკვდილით დასჯის მოლოდინში მყოფმა, ზედამხედველის ქალიშვილი - ჯულია გაიცნო და გულში ჩაუფარდა. შეყვარებულმა მღვდელმა სასიყვარულო ბარათი მისწერა, რომელიც შემდგომში ვალენტინობის სიმბოლოდ იქცა. 269 წლის 14 თებერვალს წმინდა ვალენტინი სიკვდილით დასაჯეს. წმინდანი სიყვარულისა და ოჯახური კეთილდღეობის მფარველად ითვლება.

იყიდება
დედოფლისწყაროში კერძო აგურის სახლი 170 კვ.მ, ბელეტაჟზე. მეტალოკონსტრუქციის გადახურვით, მეტალოპლასტმასის ფანჯრებით. სამზარეულო, აბაზანა-ტუალეტი შიგნით და კაფელ-მეტლახით გაკეთებული, ჭერზე „გიფსოკარდონებით“, გათბობით, ცივი და ცხელი წყლით. ყველაფერი ახალი გარემონტებული. ეზო 800 კვ.მ ხეხილით, რკინის კარით. ფასი შეთანხმებით ტელ: 595 32 47 61

იყიდება
ქალაქ დედოფლისწყაროში, გურამიშვილის ქუჩაზე იყიდება 600 კვ.მ. საკარმიდამო ნაკვეთი, ჩასახულია სახლის საძირკველი. ფასი შეთანხმებით. მსურველები დაგვიკავშირდით: 571 460 444, ილია.

ამინდი	დედოფლისწყარო
ორშაბათი 17.02 დღე ლამე 10°	სამშაბათი 18.02 დღე ლამე -2°
ოთხშაბათი 19.02 დღე ლამე 9°	ხუთშაბათი 20.02 დღე ლამე -2°
შაბათი 21.02 დღე ლამე 4°	კვირა 22.02 დღე ლამე -4°
ორშაბათი 22.02 დღე ლამე 0°	სამშაბათი 23.02 დღე ლამე -6°
ოთხშაბათი 23.02 დღე ლამე -1°	ხუთშაბათი 24.02 დღე ლამე -8°
შაბათი 24.02 დღე ლამე -1°	კვირა 25.02 დღე ლამე -8°

გამომცემელი შპს „შირაქი“
დირექტორი **ინგა შიოლაშვილი**
რედაქტორი **ილია მარჯაოფლიძე**
წერილში მოყვანილ ფაქტებსა და ციფრებზე პასუხს ავებს ავტორი.

სარედაქციო კოლეგია: შუშუნა ყანაშვილი, ელზა ხარაშვილი (ჟურნალისტიკა);
სათუნა ბენაშვილი (კორექტორი); ნათელა ბოსტაშვილი (ბუღალტერი);
ნიანა ჯანაშვილი (ოფის-მენეჯერი); მზია ქინძაძე (საქმის მწარმოებელი).

გაზეთი აიწყო და დაკაბადონდა „შირაქის“ კომპიუტერულ ბაზაზე.
ყოველკვირეული გამოცემა იბეჭდება გამომცემლობა „ლაბ კოლორი“-ს სტამბაში.

რედაქციის მისამართი: ქალაქი დედოფლისწყარო, ფიროსმანის №18, ტელ: 0 356 22 22-85; 598 72-18-72 (დირექტორი) 593 275-275 (რედაქტორი)

რეგისტრირებულია დედოფლისწყაროს რაიონის სასამართლოს მიერ, № 6014-468.
გაზეთის გამოწერა ნელინადმი - 20 ლარი